

鄒志業編

第三輯

峽陽縣鄉土志卷之一

目錄

歷史部

建置錄

歷代沿革

政績錄

興利 去害 聽訟

兵事錄

攻戰 屯駐

耆舊錄

事業 考友 陸學問 經史子集 小學 輿地 天算 醫學 校勘

名儒 名臣 功臣名將 循吏 忠節

增名宦祠 鄉賢祠 忠義祠 節烈祠

人類錄

戶口 氏族

宗教錄

儒教 回教 天主教

實業錄

士 農 工 商

峇陽縣鄉土志卷二

地理部

方域錄

縣治 市集村莊 山水 道路 津渡 古蹟 學堂

壇廟 邱墓

畧陽縣紳士志卷之三

格致部

物產錄

動物 植物 礦物 製造

商務錄

土產 外莊 陸運 水運

畧陽縣鄉土志卷之一

歷史部

建置錄

畧陽漢縣隸天水郡在今甘肅鞏昌府境內非今畧陽縣也今之畧

陽在唐虞時為氐羗地西戎氐羗咸戴舜之功史記五帝本紀

夏商周亦氐羗地自彼氐羗莫敢不來王詩商頌

春秋戰國時為白馬氐之東境

秦蜀郡地周赧王二年秦取楚漢中地置蜀郡史記

漢置沮縣屬武都郡後漢因之沮縣基在今縣治東一百二十里沮

水河側

晉沮縣

宋為東益州畧陽郡



梁置武興蕃王國

北魏置東益州武興郡後魏為武興縣又僑立峽陽郡峽陽縣西魏
改東益州曰興州隋書地理志云西魏於峽陽地置郡名曰順政領縣四曰
漢曲曰仇池曰蟠冢曰沔縣後改仇池為靈道隋大業中併入順政縣
地在今峽陽西北域西魏復置長舉縣後魏置盤頭郡以隸鳴水縣西
魏改直落叢郡在今峽陽縣西一百二十里太和中置修城郡治鉅縣一
曰廣長周廢郡而祇置廣長在今峽陽縣西北隅

五

隋開皇初廢郡至十八年更名漢曲曰順政領縣四曰順政曰鳴水曰長
舉曰修城

唐興州治直落叢陽為附郭縣

五代興州屬後唐尋屬後蜀順政長舉均仍唐舊

宋本舊名興州紹興十四年為利州路開禧三年吳曦僭號改為開

德府曠平改河州領縣二治順政長舉順政即今縣治長舉在縣西
一百里

元改河州為畧陽併長舉及西鄉入焉而移河州治鐸水仍以畧
陽為屬縣

明仍舊名初屬河州後屬漢中府成化中改屬甯羌州崇禎七年
復屬漢中府

國朝因之隸漢中府在府城西北三百二十里

政績錄 興利 去害 聽訟

唐嚴礪元和初刺興州後為山南西道節度使興州自長舉北至青
泥嶺西抵成州崖谷險隘十里百折秋潦冬雪泥淖為害運饋者顛
踣騰藉血流棧道糗糧芻藁委填溝壑礪乃出軍府之幣以備器
用即出就玉自長舉而西疏嘉陵江三百里通漕以餽萬夫權忻至

令賴之

宋周渭字得臣昭州葦城人乾德中通判興州州領置砦多戍兵監軍傲狠縱其下為暴居民苦之渭馳往諭以禍福斬其軍校眾皆懾服

明馬朝四川忠州人任畧陽令莅政明敏處事精詳邑經流寇焚掠戶口蕭條朝補修城垣建樓四隅環城為屋以通懸警始於正德八年春落成於十年秋去危即安邑人賴之

七

國朝葉馨福建晉江人工詩尤精青囊術雍正初城垣傾圮虎夜入城抵暮人即樓戶不敢出盜賊因之肆行馨到任修城垣樹柵欄禁夜行虎患既除盜亦斂迹復建奎星閣彰善坊以端風化後以卓異陞去

高瑗號瑞湖雲南石屏舉人乾隆庚子任畧陽時銅廠為邑巨害詳請罷之創建嘉陵書院立訓士規條修築壇廟平治道塗設養濟院以惠

因窮置義田以掩露屍邑人感其德為樹頌聲碑於靈巖寺

考縣志任峇陽者自唐宋以來或為太守或為刺史或為縣令均未著
聽訟實蹟惟載有宋楊粹中刺興州政平訟理明王麟於嘉靖間任
峇陽令百廢俱舉政平訟理 國朝乾隆間郝元英知峇陽縣決訟如
神人莫能蔽而已文獻無徵不敢附會謹付闕如以昭敬慎

兵事錄

攻戰 屯駐

宋盧法原紹興中為宣撫使叛將史斌陷興州旁邑響應法原與經制
使王夔與元統制章知幾討破之復興州

李好義任興州中軍正將楊巨源監興州合江倉開禧三年都統制吳曦
王位據興州權大安軍楊震仲死之巨源謀討曦陰與曦將張林朱邦寧
及忠義士朱福華深相結眉州人程夢錫知之以告轉運使安丙丙稱疾不

視事屬夢錫以書致巨源延之卧所巨源曰先生將為逆賊丞相長史
即丙號哭曰目前諸將不足與謀必得豪傑乃滅此賊耳巨源曰非先生
不足王此事非巨源不能了此事會好義亦結軍士李貴進士楊君三
李坤辰李彪等數十人謀誅賊且曰此事誓死報國但賊死後無成王亦
鎮撫恐一變木已一變復生欲奉安丙主事使坤辰邀巨源巨源往與約
還報丙丙出視事君玉與白子申夜草密詔未明好義率眾入偽宮
大呼曰奉朝廷密詔以安長史為宣撫令我誅反賊敢抗者夷其族賊衛
兵十餘聞有詔皆棄械走巨源持詔乘馬直入丙戶賊欲逸李貴即前
執之及及賊頰賊反撲貴貴仆好義急呼王洪奔其腰賊始縱貴貴遂
起斫其首持告丙宣詔軍民拜舞歡呼聲動天地持賊首撫定城中市
不易肆遂收賊黨並誅之

九

國朝松筠號湘浦蒙古生員任陝甘總督嘉慶四年率匪猖獗蹂躪南山筠

屯駐界陽設關守險匪不敢至詢民疾苦請帑賑卹民賴以安

馬良四川雷定人嘉慶十八年以千總著守備兼護遊擊值相匪吳抓
扒犯境焚掠東關或設極斷象山以絕賊入城之路良不可謂憑高扼
險制敵之策若斷路拒賊反為賊笑乃置兵數十人於象山之頂賊至以
鳥鎗擊之賊賴以全

趙良璧奉天開元人西安清軍同知康熙十九年正月王進寶趙良棟追

十

擊滇逆恢復滇蜀督撫委良璧駐畧監造糧船轉運兵餉與撫治西寧會
事趙振整飭甘山副使胡悉甯相助為理軍需賴以不匱

關福成庠生性篤厚有武畧事繼母以孝聞教弟四人讀書皆入泮

嘉慶三年率義勇防守東路隘要賊不敢過知縣崔五峯嘉其才

堪樂侮

薛福正直有才能嘉慶三年首倡義勇居別率役供給糧臺行則率

勇防禦隘要知縣崔五峯以勤勞奉公褒之

耆舊錄

事業 考友睦姻任郵

唐

李孝儒原名儒性至孝每讀書觀及孝行輒流涕掩卷高宗知名召見
即辭歸養親人因稱之曰孝儒

十一

國朝

馬輔國候銓正九品母某氏壽至百有五歲輔國亦八十餘猶孺養不衰人比
為老萊子知縣葉馨題其門曰純孝可風

常健庠生有武畧嘉慶二年從遊擊朱世奉征勦湖北叛匪屢戰有功
上憲欲官之辭歸養親愛敬兼至母歿未葬時遭大水健捍水護柩左

右隣屋漂泊殆盡惟健宅依然

任孝處士性至孝母喪明晨昏定省舉動扶持數十年無懈容里人呼為孝子因以為名

張心之隱生居水茅濤為志孝友力行仁讓值歲荒常出粟濟人其弟慈孝已與新居必具擇其田產之上者予之後家漸蕭條雖自奉儉約而好義之志終不少怠及卒里人為樹豐碑以志懿德

趙喜五郎坪人父早逝事母孝尤好濟人嘉慶十七年歲大饑喜捐糧八十石以濟鄉里之貧乏者鄉守嚴如煜題其門曰好善樂施

十二

封爾燕邑貢生賦性純篤樂善好施康熙六十年其父患病侍奉湯藥衣不解帶乾隆二年 旌表

陳孝邑人孩提知愛父與人訟理屈當杖時孝未及十歲俯父背聲淚俱下願以身代知縣高理稔釋之即命名以孝題其門曰孝行可風

蹇魁斗邑武生幼失怙事母孝年六十餘歲母怒輒跪甚即俯首受責不敢

稍違色笑宗族皆稱之

蘇璘邑貢生敦行孝友可勵士風

劉思賢邑人居中川持已接物不違禮法一鄉之中出入相友守望相助疾
病相扶持凡遇凶年鄰里鄉黨周急甚眾知縣高理題其門曰公正式
俗嘉慶三年負祖宗木主避賊屢犯賊鋒賊卒義而舍之

王璠邑貢生司訓洵陽出家產置義田以供士之資斧不繼者凡遇凶年
戚友來求無不周濟

十三

王選庠生居白水江性好義家頗饒嘉慶三年賊至蹂躪甚慘選捐資

築堡設法守衛又散粟以濟荒歉上憲褒嘉賞以六品軍功

鍾文明居棧壩老林中壬申歲大饑文明出蕎麥百數十石散給極貧
者二百二十戶

王輔仁邑廩生有才畧嘉慶三年賊匪攻城輔仁率閭邑士民晝夜防

守又請開倉以濟難民捐家財以濟戚友城中安堵如常經累嘉其捍衛之功獎以六品軍功後卒子一德一敬俱次第登庠名顯

學問

唐

黃文邑人少英敏嗜經史元和初舉進士官至侍郎正言侃侃中外畏

其清直

十四

明

卜叡邑人潛心理學事親孝洪武丁丑進士官至兵科給事中敢言為

人憚服

國朝

梁寓鳳邑廩生開戶潛修學行為士類所稱

曾大刻廩生盡心訓迪邑士多出其門子淑庠生以孝見稱於鄉里

王世印王家梁人精岐黃術常醫人效不受謝扶危濟困力行有日白蓮
教授其地相戒曰王善人家勿犯也

功臣名將

宋

吳玠字晉卿隴千人建炎四年為秦鳳副總管紹興元年大敗金人於

和尚原又擊虜退於箭箬關三年掩擊金將撒離喝於武休關四年

十五

敵大至入攻仙人關玠又敗之九年卒於仙人關贈少師謚武安邑東舊有

忠烈祠祀玠及其弟璘今已圮矣餘詳宋史本傳

吳璘字唐卿玠弟紹興元年箭箬關之戰璘功居多超遷統制和尚原

軍馬及兀朮深入陣分合三十餘璘隨機而應金人大敗兀朮中流矢遁十

年撒離喝入長安趨鳳翔璘隨胡世將在河池遣姚仲拒於石壁若敵之詔

同節制陝西諸路軍馬璘以書遺金將約戰金鶻眼即居以三千騎衝

璘軍璘擊走之鶻眼入扶風復攻拔之撤離喝怒甚自戰百通坊列陣二
十里璘遣姚仲力戰破之授鎮西軍節度使十四年朝議折利州路為
東西路以璘為西路安撫使時和議方堅而璘治軍經常如敵至二十
一年以守邊安靜拜少保三十一年兼陝西河東招討使孝宗受禪
命兼陝西河東路宣撫招討使乾道元年詔仍領宣撫使改判興州
璘至漢中修復褒城古堰灌田數十頃民甚德之餘並詳宋史本傳

明

十六

原傑山西陽城進士成化中以都御史撫治荆襄秦豫等地便宜行事

正德六年流賊麻六寇界殺扶風令孫璽屠戮百姓傑檄諸官軍會

勦通年而平當焚掠之後安置流民不止億萬優詔褒之遷大司馬

卒於南陽士民間訃號泣累日

循吏忠節